

Mukaanda wa mioolo wa YOWANI Kotili

Musonii a mukaanda wuunawu, ayaabina mu kuumbu ya «Mukuutu a libuundu». Pili a kuumbu yi, yili mu umweese ti nde li muutu wu bafwaana ukiinzi na utumumu kwaa libuundu. Nde li mu usonuu mukaanda wu, mu utsinduu nde kwaa «Mukasa wu Nziaambi asoolo, na kwaa baana ba nde», ni libuundu la Nziaambi (1).

Musonii a mukaanda wuunawu, li mu uhamisa balibuundu mu udiaata kutso ngwanya na kutso litoono (1-6). Nha mbisi a nhaa, nde li mu ubaaleele ka ti, bo bafwaana usa mayele mu ndaa nziisili ya pia, weti buli mu mukaanda watsiomi wa Yowani (7-11). Tswaamina atooso mabwee ma baana banguu ba mu libuundu likimi, nde li mu uyaabisa bo ti nde li mu uyiri (12-13).

Weti buli mu mukaanda watsiomi wa Yowani, nde li mu uloombo ti boosi babutaanga mukaanda wu, ba bamene miaanzi mu Nziaambi, na bahama mu udiaata mu imiini kia ngwanya.

Mabwee

¹ Me Mukuutu a libuundu, ni sonuu mukaanda kwaa we maama, mukaasa wu Nziaambi asoolo, na kwaa baana ba nde, ba me natootoo mu ngwanya. A ndila me pe na toono beni, ka na baata boosi ka babayaaba ngwanya.

² Mundaa ti ngwanya yi li mu bisi, na yo sa yiba na bisi mu mantaanga moosi.

³ Nyaala bweese, ngebe na iyeenge bia Taata
wu Nziaambi, na Yiisu Kristo, Mwaana a Taayi,
biba na bisi, paa bisi didiaata mu ngwanya, na
ditonosono bana mu bana!

Udiaata mu ngwanya na mu litoono

⁴ Me nali na kinya yalaa, bu namoni ti baana
ba we baba mosi, bali mu udiaata kutso ngwanya,
weti bu Taata waditumi mu udiaata.

⁵ Na mu taanga di, mono ma me niloombo
kwaa we, maama wa litoono: Bisi diafwaana mu
utonosono bana mu bana. A uli pe mukele wu
munyatii, wu me nisonuu kwaa we. Nde li mukele
wu diaholani umata mu mbaandili.

⁶ Litoono lili mu uloombo mu udiaata weti buli
mikele mia Nziaambi. Na mukele a Nziaambi wu
diaholi umata mu mbaandili, li mu uleele ti, beni
diafwaana udiaata mu litoono!

⁷ Bangaa pia balaa bamaatsamuu mutso tsu. Bo
bali mu ubisi usiingi ti Yiisu Kristo abutii mu
musunyi. Ni buu bali mu uyaaba ngaa pia, Mu-
taata a Kristo.

⁸ Disa mayele mu beni bameme, paa ti beni
dinyaala udiimbisi mbetu dia isala kia bisi. Ka
paa beni diyaka musieende wakuu.

⁹ Pasi muutu wu uhele unambita kutso nziisili a
Kristo, ka bweesi nziisili kimi nha yulu a ya Kristo,
nde a ali itwaari na Nziaambi pe. Ka muutu
wu unambita mu nziisili yi Kristo wadihi, nde li
itwaari na Taayi na Mwaana.

¹⁰ So muutu yiri kwaa beni, na nde beyi beni
nziisili kimi, a diyaka nde kwaa beni pe, na a diha
nde so bwee pe.

¹¹ Mundaa ti, pasi wu ubii nde, nde ka itwaari
na muutu wuu mu biyiluu bia nde bi bibi.

Mabwee matsieelele

¹² Me ndi na mandaan malaa ma uleele beni, ka me a ni sonuu mo pe mu mukaanda wu. Mundaa ti me ndi na tsimi ya uyiri kwaa beni, na mu utsuu kwaa beni mu imeme akulu. Paa kinya a bisi yiba ya kuu.

¹³ Baana ba mwaana nguu a we, wu Nziaambi asoolo, bo ka babii we.

New Testament in the Yaka language (Congo-Brazzaville)

The New Testament in the Yaka language of the Congo

copyright © 2024 Wycliffe Bible Translators, Inc.

Language: Ivatan (Yaka)

Contributor: Wycliffe Bible Translators, Inc.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 3 May 2025 from source files dated 3 May 2025

3b876d40-c02b-5fa1-8385-1b3b9a90b6ec